



Un Entertainment Center completamente yen y hopi ambiente **Sra. Helena Carmen Maduro a keda eligi Sra. Carnaval 2010**



MANERA a ser bisa, cu tabatin mas interes p'e certamen di Sra. Carnaval, cu p'e otro certamen e aña aki.

Den un Aruba Entertainment Center completamente yen y cu masha ambiente, prome cu 11 or di anochi, e resultado tabata conoci.

Como 2do finalista a keda Jacqueline Ponson van Putten di TOB y 1er finalista, Diana L. Antonette, representando Colegio Arubano y Sra. Carnaval 2010 a keda den persona di Helena Carmen Maduro di Champagne Carnival Group/EPB, unda nan dos a combina pa manda un solo candidata. Sra. Carnaval Carmen Maduro a wordo corona dor di Minis-

ter Richard Visser.

E candidata mas popular p'e publico a sali Esneyda Perez di Brandweer/Grooving Again; Best Costume, Helena Carmen Maduro di Champagne Carnival Group/EPB, y Best Speech, Diana L. Antonette di Colegio Arubano, kende tambe a gana Best Show.

Mrs. Carnaval of Setar SMS a ser gana tambe pa Diana Antonette Colegio Arubano Asina a despedi di sra. Flor Croes, como Reina saliente di Sra Carnaval 2009.

Un biaha mas, Elsa Krozendijk a haci masha bon papel mes como MC di e anochi aki.

